



Kommuneqarfik Sermersooq

Aningaasaqarnermut Ataatsimiititaq

SULERIAASSISQAQ

Uunga Aningaasaqarnermut Ataatsimiititaq

Kommunit aqunneqarnerat pillugu inatsimmi nr. 22 18. novembari 2010meersumi § 28 imm 2 naapertorlugu, tulluuttuni aqutsinermut inatsimmi taaneqartumi, aalajangersarneqarpoq:

Ataatsimiititap sulinera

- § 1. Aqutsinermut inatsit aamma Kommuneqarfik Sermersuumi Aqutsinermut ileqqoreqqusaq naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititap susassaqrifiit suliakkiutigineqartut isumagissavai.
Ataatsimiititaq suliani, inatsit naapertorlugu aamma ataatsimiititamut suliakkiutigineqartunut aalajangiisassaaq.

Ataatsimiititap siulittaasua aamma siulittaasuata tullia.

- § 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiisssaaq. Ataatsimiinnissamut Borgmesteri aggersaasuusaaq.

Imm. 2. Borgmesteri Aningaasaqarnermut Ataatsimiititami siulittaasuuvoq.

Imm. 3. Inissitsiterfiusumik ataatsimiinnermi siulliullugu ataatsimiititap akunnerminnisiulittaasup tullianik qinersissapput.
Qinersineq siulittaasumit aqunneqassaaq.

Imm. 4. Siulittaasup sivikitsumik ataatsimeeqataannnginnerani siulittaasup tullia ataatsimiinnermi aqutsisuusaaq.

Ataatsimiititap ataatsimiittarnissai.

- § 3. Ataatsimiititap sulinini ataatsimiinnerni ingerlatissavaa. Ataatsimiititap ataatsimiinneri matoqqasuupput.

Imm. 2. Ataatsimiititap ataatsimiittarnissamini piffissaq nammineq aalajangersassavaa.
Imm. 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm. 4. Ilaasortaq ataatsimeeqataasinnaangippat, ilaasortap sinniisussaa ilaasortap ataatsimeeqataasinnaanginnera tamaat ataatsimeeqataasassaaq.
Ilaasortat ataatsimiititap ataatsimiinnerani ataatsimeeqataasinnaangippat, tamanna pineqartut sapinngisamik piaartumik ataatsimiinnissaq sioqqullugu ataatsimiititap allattaanut nalunaarutigissavaa. Tamatuma kingornagut allaffeqarfimmit sinniisussaq ataatsimiigiaqquneqassaaq.

Imm. 5. Pisortaanerup ataatsimiititallu allattaata ataatsimiinnerit najuuffigissavaat, ataatsimiititaq allamik aalajangiisimangippat. Ataatsimiititaq isumaqarpat suliarnut tunngatillugu paasissutissiisuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Imm. 6. Ataatsimiititap kommunimi sulisuunngitsunik suliap sularinerani aggersaasinnaapput, suliap paasissutissiiffiginissaanut tamanna kissaatigineqarpat.

Oqaluuserisassat suliallu saqqummiunneqarneri.

§ 4. Ataatsimiititap siulittaasua ataatsimiinnissamut oqaluuserisassaliusaaq, ilaasortanillu ataatsimiinnissamut ataatsimiigiaqqusilluni. Ileqqusumik ataatsimiinnissanut oqaluuserisassat aammalu suliap sularineqarnissaannut paasissutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik sisamanik sioqqullugu nassiunneqassapput.

Imm. 2. Ataatsimiititami ilaasortaq kinaluunniit kommunip susassaqarfii pillugit apeqquteqarsinnaatitavoq, ataatsimiititap susassaqarfiisa iluaniittunik. Apeqquteqaat naatsularineqarsimassaaq ersarissularineqarsimassallunilu naatsumillu tunngavilersuutitaqartinneqassalluni. Apeqquteqaat allaganngorlugu apeqquteqaatigineqassaaq Borgmesterillu Allatseqarfianut tunniunneqassalluni.

Borgmesterip Allatseqarfianit apeqquteqaat ingerlatsivimmi pisortamut susassaqartumut ingerlateqqissavaa, taassumalu nalilissavaa apeqquteqaat allaffissornikkut akissuteqarfigineqarsinnaanersoq. Apeqquteqaatit allaffissornikkut akissuteqarfigineqarsinnaasut akissuteqarfigineqassapput sapinngisamik ullut 14-it qaangiutsinnagit.

Apeqquteqaat akissuteqarfigineqarsinnaangippat apeqquteqaat akissuteqarfigiumallugu ataatsimiititamut susassaqartumut ingerlateqqinneqassaaq.

Apeqquteqaatit allaffissornikkut ullut 14-it qaangiussimatillugit akissuteqarfigineqarsimasut ataatsimiititanullu susassaqartunut akissuteqarfigiumallugit ingerlateqqinneqarsimasut pillugit, apeqquteqaateqartoq ilisimatinneqartassaaq.

Apeqquteqaatip assilinera kiisalu akissuteqaatip assilinera nassiussinnermi kommunalbestyrelsimut ilaasortanut tamanut nassiunneqassapputtaaq.

Apeqquiti akissutillu kommunip nittartagaani saqqummiunneqassapput. Apeqquiti akissutillu paasisutissanik saqqummiuteqqusaanngitsunik imaqarpata, taakku saqqummiunneqaratik kommunalbestyrelsimut ilaasortanut nassiunneqassapput.

Imm. 3. Immikkut ittumik ataatsimiinnissamut ataatsimiigiaqqusineri siulittaasoq suliassanik ataatsimiinnermi suliarineqartussanik sapinngisamik annertunerpaamik ilaasortanut ilisimatitsissuteqassaaq.

Imm. 4. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 5. Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassat nassiunneqarnerini tamatigut ileqquusumik oqaluuserisassani immikkoortup imaluunniit immikkoortut pineqartut pillugit tunngavilersuutaa ilanngunneqartassaaq.

Imm. 6. Suliassaq ileqquusumik oqaluuserisassanut imaluunniit tapiliussatut oqaluuserisassanngortitatut nassiunneqarsimanngitsaq kinguartinneqarsinnaanngippat oqaluuserineqarsinnaavoq.

Imm. 7. Suliat, ataatsimiititamut saqqummiunneqannginneranni naammattumik erseqqissarneqarsimansut, siulittaasup nakkutigissavaa.

Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.

§ 5. Ilaasortat ikinnerpaamik affaat najuuppata, ataatsimiititaq aalajangiisinnaatitaavoq. Aalajangerit tamarmik amerlanerussuteqarnikkut pisassapput, (aqutsinermut inatsimmi § 28, imm 1 naapertorlugu)

Imm. 2. Ataatsimiititap ataatsimiinneri siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, taamaanngippallu ataatsimiititami ilaasortap kommunalbestyrelsimut sivilunerpaamik ilaasortaasimasup ataatsimiinneq aqussavaa, imaluunniit, arlaqartut siviloqatigiimmik ilaasortaasimappata, taakkunanga angajullup ataatsimiinneq aqussavaa, Ataatsimiinnermi aqutsisup isumaqatiginninniarnermi apeqquiti tamaasa aalajangiiffigisassavai. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm 3. Suliat siulittaasup tulleriaarinissamik aalajangiinera naapertorlugu suliarineqassapput, taamaasillunilu oqaluuserisassani tulleriaarisimaneq sanioqqutsissinnaallugu. Kisianni, ataatsimiititami ilaasortap ataatsip kissaatigippagu, suliat qanoq tulleriaarneqarlutik suliarineqassanersut, ataatsimiititap aalajangissavaa.

Imm. 4. Siulittaasoq, aqutsinermut inatsimmi § 27, imm 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnaatitaavoq.

Imm. 5. Immikkoortut taasissutigineqartussat siulittaasup oqaasertalersussavai.

Imm. 6. Ilaasortaq kinaluunniit, aqutsinermut inatsimmi § 27, imm 3 naapertorlugu, siulittaasup ataatsimiititami sulinera pillugu sunilluunniit apeqquteqaateqarsinnaatitaavoq, aammalu ataatsimiititap paasissutissanik piumasaqaataanik tamanik siulittaasoq paasissutissiissaaq. Siulittaasoq sutigut tamatigut ataatsimiititap aalajangersimasaanik naapertuisussaataavoq.

Imm 7. Ataatsimiititami ilaasortaq kinaluunniit aqutsinermut inatsimmi § 30 naapertorlugu, ataatsimiinnermi aalajangerneqartumik unitsitsisinnaatitaavoq, ataatsimiinnermi, aalajangerneqartumik kommunalbestyrelsimit aalajangiiffigisassanngortillugu aalajangiinermut imaqarniliamut nalunaarutigalugu.

Imm. 8. Ilaasortap ataatsimiititami siulittaasoq ilisimatittassavaa pissutissaqarpat sulianaalajangersimasuni suleqataasinnaanerinut apeqqutinngortitsisinnaasunik. Aqutsinermut inatsimmi § 38 naapertorlugu ataatsimiititami aalajangerneqartassaaq ilaasortaq imatut soqutigisaqarnerisooq, ilaasortaq ataatsimiititap suliamik suliarinninnerani peqataasinnaannginnerisooq imaluunniit peqataasinnaanersooq. Taama ittoqartillugu pineqartoq suliaq pillugu isumaqatigiinniarnermi taasinermilu ataatsimiiffimmiit anissaaq taamaattorli suliap pineqartup eqqartorneqarnerani ilaasortaq anissanersooq pillugu ataatsimiititap isumaqatigiinniarnerni taasineranilu peqataasinnaalluni.

Imm 9. Ilaasortat sinniisussallu ataatsimiititami taasinerni aatsaat peqataasinnaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik, aqutsinermut inatsimmi § 28, imm 2 naapertorlugu.

Imm. 10. Oqaluuserisassat, oqaluuserisassatut siunnersuutit atortussallu kommunip allaffeqarfiini suliarineqarsimasut, kalaallisut qallunaatullu saqqummiunneqassapput, suliffiup avataanit ilanngussat allallu atortussat kommunip allaffeqarfiini suliarineqarsimanngitsut, oqaatsit taakku atuinnarlugit nassiunneqartassapput.

Aalajangiinermut imaqarniliaq

§ 6. Siulittaasup akisussaaffigivaa, ataatsimiititami aalajangernerit aalajangiinermut imaqarniliamut allanneqarnissaat, aqutsinermut inatsimmi § 28, imm 3 naapertorlugu. Imaqarniliaq ataatsimiinnerup naanerani ataatsimiititami ilaasortanit ataatsimeeqataasunit akuerineqarlunilu atsiorneqassaaq. Ilaasortaq ataaseq ataatsimiinneq tamakkerlugu ataatsimeeqataasimanngippat, imaqarniliamut allanneqassaaq, immikkoortuni sorlerni ataatsimeeqataasimannginnerisooq, piffissallu qanoq ilinerani ataatsimeeqataasimannginnerisooq. Ilaasortaq kinaluunniit allatut isumaqaruni imaqarniliamut allattaavimmut allaanerumik isummaminik allaqquisinnaatitaavoq. Ilaasortap nammineerluni tapiliukkumasani oqaasertalissavaa.

Imm 2. Ilaasortaq taasisimanini allamilluunniit peqquteqarnini innersuussutigalugu, aalajangernermut imaqarniliamut atsiorumasinnaanngilaq.

Imm 3. Siulittaasup aalajangernermut imaqarniliap toqqorneqarnissaa qulakkiissavaa, ataatsimiinnerlu naammassereerpat piaarnerpaamik ataatsimiititami ilaasortat sinnerinut aammalu imaqarniliamik tunineqartussaataasunut assinganik nassiussinissaaq qulakkiissallugu.

Nipangiussisussaataaneq

§ 7. Ataatsimiititami ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqinneqartussaangitsut isigineqarput. Ataatsimiititap aalajangernerit tamanut nalunaarutigineqarsinnaapput, kisianni paasissutissat nipangiussisussaataanerit tunngasut pinnagit.

Imm 3. Ilaasortaq kinaluunniit paasissutissiinnaatitaavoq, nammineq qanoq oqaaseqarsimanerminik taasisimanerminillu, nipangiussisussaataanerit tunngasut kisiisa pinnagit.

Ataatsimiititap aalajangernerinik suliaqarneq piginnaatitaaffinnillu agguassineq

§ 8. Siulittaasup qulakkiissavaa ataatsimiititap aalajangernerisa naammassineqarnissat. Siulittaasup nakkutigissavaa, suliat arlaannaalluunniit pisariaqanngitsumik kinguarsarneqassanngitsut.

§ 9. Ingerlatsiviup siulittaasullu aalajangiisinnaatitaanerit ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm 2. Ataatsimiititami isumaqatigiinnikkut suliat aalajangersimasut imaluunniit suuneri apeqqutaatillugit siulittaasumut suliakkiutigineqarsinnaapput. Ataatsimiititap ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnaatitaanngilaq.

Imm 3. Ataatsimiititap amerlanerussuteqalaarnikkut suliassanik aalajangersimasunik suunerilu apeqqutaatillugit ingerlatsivimmumut suliakkiuteqarsinnaatitaavoq.

Imm 4. Ataatsimiititami siulittaasumut ingerlatsivimmullu piginnaatitsilluni aalajangernerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmumut piginnaatitsissutigineqarsimanersut. Aamma allassimassaaq ulloq suna aalajangertoqarsimanersoq, taamaasilluni suliaq ajornanngitsumik nassaarineqarsinnaaniassamat.

Suleriaatsimi allannguutit, atuutilersitsineq.

§ 10. Suleriaatsimi allannguuteqartitsinerit tapiliussallu ataatsimiititami ileqquusumik ataatsimiinnermi oqaluuserineqassapput.

Atuutilersinnera.

§11. Suleriaaseq una 15. decembari 2016-imi atuutilissaaq.

Aningaasaqarnerit Ataatsimiititap 15. decembari 2016-imi ataatsimiinnerani akuersissutigineqarpoq.


Asii Chemnitz Narup

siulittaasoq